

© Bible Visuals International

Manna Donsena


Ito kelixi Alaa Kitabun nan kui

Xoroyaan Sora 16

Isirayila kaane to keli Elimi, e yi siga
yirena nde yi tonbonni. E yi darixi Misiran
donseen nan na. Koni na tonbonni, kamən
yi e suxu han! E yi Musa mafala fɔlɔ.

Musa nun Haruna fan yi xɔlɔ. E yi a fala
yamaan xa, e naxa, “E na xɔlɔ na kiini,
ε Ala yeteen nan mafalama.”


Ala yi a fala Musa nun Haruna xa, a naxa,
“E fala yamaan xa, a e n ma binyen toma
nen. E yi a kolon a n tan na e raminixi
Misiran yamanani. Ninbanna ra, e suben
donma nen. Xɔtɔnni, e lugo burun na.”



© Bible Visuals International

Ninbanna ra, dɔmene yi fa e dɔxɔ
yamaan daaxaden yiren birin yi.

Muxune yi e suxu, e yi e don.



© Bible Visuals International


Xɔtɔnni, yamaan to xulun, e xiila to
bɔxɔn ma. Xiila to yolon, sena nde yi lu a
funfunni alo bogi seen xɔnna.

Birin naxa, “Nanse ito ra?”

Musa yi e yabi, a naxa, “Donseen na a ra
Alatala naxan soxi ε yi ε xa a don.”

Sogen na xɔlɔ, donseen birin yi
xulunjε ayi.

Ala naxa, “Xɔtɔn yo xɔtɔn, birin xa nde
matongo, naxan e denbaya wasama.
Muxu yo nama a dɔnxen namara han
xɔtɔnni.”



Muxuna ndee mi e tuli mati Musa ra.


Ne yi a ramara han xɔtɔnni. E to keli xɔtɔnni, kunle yi bira a birin yi. A xirin yi mini fɔlɔ.

Koni, xii senninde lɔxɔni, muxune yi lɔxɔ firin daxi matongo, a mi kala.


Xii soloferede lɔxɔni, donsee yo mi godoxi, bayo Matabu Lɔxɔn nan na ra. Yamaan xa e matabu.

Muxun yi na donseen xili sa, “Manna Donsena.” Na bunna neen, “Nanse ito ra?” A yi luxi alo se xɔri fixena. A yi jaxun alo kumina.

Ala yi na donseen nagodo e ma lɔxɔ yo lɔxɔ, nee tonge naanin bun han e na yiren li e sigama dənaxan yi.



© Bible Visuals International



Nee wuyaxi to dangu, Marigi Yesu yi a fala yamaan xa, a naxa, “N tan nan nii rakisin balon na sa keli ariyanna yi.”

Na bunna neen, alo Manna Donseen niin fixi Isirayila kaane ma kiin de, Marigi Yesu fan habadan nii rakisin fima adaman ma na kiini.

En na bira Yesu fɔxɔ ra, na ligaxi nen alo en bata a don. Na bata habadan nii rakisin fi en ma. A ligaxi nen alo donseen niin fima a don muxun ma kiin de.

(Yoni 6.35 e nun 6.51 mato)

Crée par la Mission Protestante MCA

République de la Guinée

Juin 2023

< © GRN > saxi foto naxanye fari, Global Recordings Network Australia bata tin nxu xa na foto rawali.

<<http://globalrecordings.net>>

< © Bible Visuals International > saxi foto naxanye fari, Bible Visuals bata tin nxu xa na foto rawali.